

Pesan Ari Minggu Kateketikal - 29 Januari 2023

Tema : Ngemaruka Gerija nengah Pengarap (1 Kor. 16:13-14)

Jaku ti kepenudi St. Paul ngagai sida Stepanas sebilik, siko ari orang ti keterubah rubah nyadi orang Kristian, patut nyadika chunto pamaru ba dalam ruang bilik: 'Selalu bejaga, berdiri tegap dalam pengarap, berani sereta kering. Kereja semua utai dalam pengerindu.' (1 Kor 16:13-14). Sida Stepanas sebilik tu chunto prinsip kereja semua utai dalam pengerindu laban sida udah, enggau ati ti angkun, nyerahka diri bekereja ke nemiak Tuhan. (1 Kor. 16:15)

Engka, nengah prinsip 'bekereja ke nemiak Tuhan' tau meransang ruang bilik kitai. 'Bekereja ke nemiak Tuhan' nunjukka chunto reti pengerindu ba dalam Bup Kudus, baka orang ti bebendar bekereja sereta nulung semua orang bukai ke sama gawa. Sebaka enggau sida Stepanas sebilik. Dipenuhka enggau Roh Kudus, sida nyerahka diri, ti betuaika gerija di Korint (Eps. 5:18-21), sama gawa sereta ngambi kereja ti tusah dalam ministri ka Tuhan. Kelimpah nyerahka diri mela gerija, sida Stepanas sebilik mega sama besembang - 'Ruang bilik ti besembang begulai - deka begulai belama.'

Nadai utai ti lebih manah agi ari ruang bilik ti manggai ka pengarap sida ka Tuhan. Taja pia, ditekan, penguji ti ditapi dalam ruang bilik moden kemaya hari tu nyadika penanggung ngagai diri sebilik ti deka sama mansang dalam pengarap. Komuniti sereta stall adat ti ngejunga seiku seiku, enda pechaya ka Tuhan bisi, penemu diri sereta jampat puas nyadika penguji ba dalam ruang bilik Kristian kemaya hari tu.

Kelas katekism ngajar nemiak nyambut Tubuh Kristus keterubah ia selama penuh. Tang nama kebuah sepengudah sida ia nerima Tubuh Kristus majak kurang sida ia nampung ba kelas katekism. Lapa sida enda nikal pulai baru? Sepengudah nyediaka diri sereta nerima sakramen pengentap, mayuh raban nemiak nuju utai ti bukai. Nama kebuah mimit aja orang ka agi ba gerija tauka ngambi bagi ba dalam pengawa ti diatur gerija tauka nyukung group raban nemiak?

Ngarapka nengah kelas katekism, program ngemaruka pengarap, program raban nemiak, kern Bup Kudus, retreat sereta Youth Rally enggau program ti bukai ti bisi diatur kitai, tau muka hati ruang bilik, kelebih agi sida ti apai indai, laban tu meh chara ti pemadu manah ti tau di adu sida ka bala anak sereta sida ti biak, iya nya 'nyerahka sida' ngagai gerija, lalu kitai deka nyadika sida murid Tuhan.

Tang mayuh dipeda asil ari kitai ke ka ngaga sida nyadi bala murid Tuhan lebih kurang ari ti dikarapka kitai, nyadi kitai tau madah ka sida sebilik sereta apai indai enda ngambi bagi dalam tanggung pengawa sida ti patut ngingatka bala anak laban sida meh ti nyadi pengajar pasal pengarap ka anak sida. Nama kebuah sida baka nya? Kati ka utai ti patut dikemeratka sida nyau becampur? Tauka kitai ti udah ngasuh sida nyadi 'baka nya'?

Tu timpuh ti udah chukup lama. Kitai patut lebih cakah agi nyukung genap ruang bilik dalam ngemansangka pengarap sida. Kitai patut ngemeratka ruang bilik ngiga pengarap bepun ari rumah sida. Kitai mega patut ngubah chara kitai meda pemansang pengarap dalam ruang bilik ngagai siti utai ti patut dijangka; ari luar biasa ngagai biasa.

Taja pia, pamaru dalam gerija nya kereja Tuhan. Tang Tuhan deka bekereja nengah kitai, anak Iya. Tu meh peluang sereta penguji ka kitai. Kitai patut selalu bejaga, berdiri tegap dalam pengarap, berani sereta kering (1 Kor. 16:13-14) sereta ngembuan pengarap, pengandal enggau pengerindu - batu pemun ti nunjukka bisi pengerindu ba dalam ruang bilik.

Ke penudi iya, 'Ngemaruka Gerija nengah Pengarap' deka nyadi enti tuju katekisis dikamatka nengah 'mensia ukai semina betemu mua aja tang nengah komuni, dalam kaul enggau Jesus Kristus: semina Iya aja ti ulih ngiring kitai ngagai pengerindu Apai dalam Roh lalu mai kitai bekunsi dalam pengidup Roh Kudus'. (Catechesi Tradendae 5).